



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

61. Memorabilis historia de quodam hæretico in SS. Eucharistiam
blasphemo, eiusq[ue] horrendo interitu.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

fallibiliter cognouimus, de quo non minus dubitandum, quàm de subitanea morte Ananix & Sapphiræ apud Lucam, cōmunicarem. Quod si tempestiuè satis ad vos perferri contingat, & T. R. dignū iudicet, cui locus saltem curremus in opere concedatur, poterit illud T. R. quoad phrasin attinet, non nihil mutare, & re eadem permanente suo stylo vestire. Nos enim historiam ab ipso D. Antonio vernaculo sermone scriptam ad verbū propemodum in latinum conuertimus, idq; ex tempore. His paucis T. R. Christo *Φιλανθρώπου* æternum commendatam cupimus. Alias copiosius. Salutant te officiosè fratres vnà cum sorore. Vale prædilecte D. Bredenbachi. Subitò Rescæ, 17. die Iulij, anno M. D. LXX XIII.

Præst. R. T.

ad quæuis obsequia paratiss.
Io. Dantias E. R. D.

Memorabilis historia de quodam heretico in SS. Eucharistiam blasphemio, eiusque horrendo interitu.

CAP. LXI.

ANno Dominicæ Incarnationis 1561. antequàm Geusicus furor effrenatius eruperet, non minus horrendum quàm memorabile signum circa venerabilem Eucharistiã edidit Deus Opt. Max. Nouiomagi ad VVahallim fluuium, quæ ciuitas in ducatu Geldrig & antiquitate & populi frequentia & mercimonijs

N n

monijs

344 COLLATION. SACRAR.
monii priuilegijsq; celeberrima est. Accidit
ibi feria secunda Paschæ (quæ tum incidit in
septimum diem Aprilis) circiter horam diei
nonam, vt sermone in Ecclesia Parochiali si-
mul & collegiata, quæ protomartyri Stepha-
no sacra est, absoluto, alter parochorum no-
mine Antonius Vorstius vnâ cum ædituo seu
custode templi Ioanne Haeps accerseretur ad
ægroantem mulierculam, quæ in solemni die
Dominicæ resurrectionis ob corporis imbe-
cillitatem in templo non communicâta. De-
cumbat autē mulier in platea Regularium,
sic dicta, quod via illa per fundum Canonico-
rum Regularium in ea vrbe commorantium
iam olim sit minuta. Porro in altiore vici pa-
te, prope Vallum oppidi taberna erat meri-
toria, in qua parum honestè tunc temporis di-
uersabantur viri duo iuuenes: vni Nouiom-
gum patria erat, alteri Traiectum superius ad
Mosam. Vtroque ibidem tum ouum Pascha-
le, quod vacant, solito more elixum manibus
ostentante, certamen inicitur inter eos, idque
periculo hauriendi poculi cereuisiarij, vter
suum prius ouum glutire queat. Interim ad-
uentat pastor prædictus, cum Venerabili Sa-
cramento ouiculam suam infirmam in vici-
nia commorantem refecturus. Audita per pla-
team nola, quæ præferebatur Eucharistiæ, al-
ter ille, qui Traiectensis erat, in contemptum
tremendi mysterij, audacter dixit ad
sodalera
suum

suum, Ego ouum istud, quod manu teneo, ci-
 tius diglutiuro, quàm agrotans muliercula
 Deastrum illum (teutonice *das gaedgen*)
 dixit, & protinus hians, ouum in os immisit
 volens traicere illud per gulam. Sed ecce præ-
 sentissimam Dei vindictam, qua præpeditus
 nullo modo ouum transmittere potuit. Hæ-
 rente autem illo in faucibus, cum miser ho-
 mo se statim suffocatum iri, nec spem vitæ re-
 liquam videret, oculis horribiliter contortis
 conspicit candelam sebaceam ex clauo pen-
 dentem. Arripit celerrimè sebaceum, & absq;
 mora iniicit ori, cupiens conansque candelæ
 tali protrudere ouum, sed frustra. Nihil enim
 aliud effecit, quàm quòd sebo candelæ in gut-
 ture apud ouum relicto, ellychnium seu fila
 nuda retraxerit. Hic spe frustratus humi pro-
 cumbit instar bouis mactati, memoria, lo-
 quendique facultate omninò priuatus. Et su-
 pinus iacens, fuliginosum & velut Aethiopi-
 cum induit vultum: & gutture diuina vltione
 contracto tristissimam efflat animam, Paro-
 cho memorato cum sacrosancto illo pane cæ-
 li adstare. Is enim, simulatque infirmam com-
 munionis participem fecisset, ex illa domo
 rediens, audit miserabiles voces ex taberna vi-
 cina resonantes: horrore percussus introcur-
 rit cum Venerabili Sacramento, rogat quid il-
 lic sit negotij, audit ex ore præsentium rei ge-
 stæ seriem, hominem diuinitus percussum vi-

det humi palpitantem, & cum morte certantem, & paulò post expirantis guttur fractum, ouo nunc instar tuberis intercutanei in altero colli latere, & non in faucibus residenti. Hæc ego ad verbum scribo ex ore ipsius Parochi, Domini Antonij Vorstensis, qui apud Nouiomagenses curam gessit animarum annis 26. & amplius magna cum laude, vsque ad extremos furores Geusiorum, Parochus pariter & Canonicus ibidem: in præsens autem ob verbi diuini gratiam & bonitatem suam Catholico Resensium gregi gratissimus pastor. Miraculum istud nulla vnquam obliuione obliterandum, non sermone tantum omnium ferè Belgij habitatorum, verùm etiam publico carmine celebratur, quod ab omnipotente misericordia Dei profectum creditur, ad constabiliendam Catholicæ fidei veritatem, quo tempore grauissima imminebat persecutio.

De quodam Antuerpiensi in Ven. Patres Societatis IESV recenter vrbe eiectos contumelioso, eiusque diuina yllione.

CAP. LXII.

VIr quidam doctrina & pietate spectatissimus nuper Antuerpia ad nos persecutus, quod cum Ven. Patres Societatis IESV è Collegio suo recenter illic antea erecto, factiosorum hominũ opera eiecti, vrbeque excedere iussi essent, totaque iam Collegij domus vacua esset ac desolata, quidam Caluini-

sticæ